

ТОШКЕНТ ХАКИКАТИ

Вилоят ижтимоий-сиёсий газетаси

1993 йил 27 февраль • шанба

1928 йил 11 декабрдан нашр этилмоқда.

СЕШАНБА, ПАЙШАНБА ВА ШАНБА КУНЛАРИ ЧИҚАДИ.

№ 25 (10.451). Нархи 5 сўм.



УМУМХАЛҚ БАЙРАМИГА ТАЙЁРГАРЛИК

25 февраль куни Тошкентда Ўзбекистон Республикасининг Бош вазири Абдулқошим Муталов раислигида Наврўз умумхалқ байрамига тайёргарлик кўриш ва уни ўтказиш республика ташкилот қўмитасининг мажлиси бўлди. Унда Ўзбекистон халқ ноиблари, вилоятлар ва Тошкент шаҳар ҳокимининг ўринбосарлари, вазирликлар ва идоралар, уюшмалар ва ижодий ташкилотлар, жамғармалар ва оммавий ахборот воситаларининг раҳбарлари қатнашди.

Мажлисда халқимизнинг қадимий ва саховатли байрами — Наврўзни кенг нишонлаш, шунингдек миллий урф-одатлар негизда умуминсоний қадриятларни улуғлаш, халқ ижодкорлик қудратини намойиш этиш, ватан

га муҳаббат туйғусини, она юртимизда яшовчи барча миллатлар ўртасида дўстлик, ҳамжиҳатлик, тинчлик ва осойишталикни янада мустаҳкамлаш руҳида ўтказиш лозимлиги таъкидланди. Шу мақсадда Қорақалпоғистон Республикаси Вазирлар кенгашининг раиси, Тошкент шаҳар ва барча вилоятлар ҳокимлари раҳбарлигида байрамга ҳозирлик кўриш ва уни ўтказиш ташкилий қўмиталари тузилади.

Ўзбекистон Республикаси Президенти жамғармасининг, «Маҳалла», «Наврўз», «Экосан», Шароф Рашидов номидаги жамғармаларнинг байрам тадбирларини маблағ билан таъминлашда кўмаклашиш борасидаги ташаббуслари ҳамда Ўзбекистон давлат телерадиокомпанияси ва

«Наврўз» хайрия жамғармасининг 21 март кунига мўлжалланган телемарафон ўтказиш ҳақидаги таклифи маъқулланди.

Мажлисда Тошкент шаҳрида ўтадиган Наврўз байрами тадбирларини ишлаб чиқиш ҳамда умумхалқ байрамини оммавий ахборот воситаларида кенг ёритиш билан шуғулланувчи ишчи гуруҳлар таркиби тасдиқланди.

Мажлисда Ўзбекистон Республикаси Президентининг давлат маслаҳатчиси, ташкилот қўмитаси раисининг ўринбосари М. Умурзоқов иштирок этди.

(ЎЗА).

ДЎСТИНГ КИМЛИГИНИ АЙТ-ЧИ?

Яқин вақтларгача ўзбек газетхони Ўзбекистондаги демократия ва тараққиётнинг тақдири учун дунёда ҳаммадан кўра кўпроқ ким ташвишланиётганини яхши билиши амри маҳол эди. «Известия», «Независимая газета», «Московские новости» ва «Новое время» бу ҳақда ташвишланиётган экан.

Энди маълум бўлишича, мазкур «энг демократик нашрлар»нинг бу ғариб рўй-ҳати қисилиб қолди. Ҳа, ёш ўзбек демократияси ҳақида... Вашингтонда уя қуриб олган АҚШ инсон ҳуқуқлари яхудий кенгашларининг бирлашмаси ҳаммадан кўра кўпроқ қайғурмоқда. Нимасини айтасиз, Америка яхудийларининг тошкентлик ўз сафдоши Абдуманноб Пўлатовни Ўзбекистондаги «золим маъмурлар»дан ҳимоя қилишдан ҳам муҳимроқ муаммоси йўқ-да.

Республикадан неча минг километр наридаги бу ташкилот арбоблари Россия матбуотига сохта ҳуқуқ ҳимоячиларининг гўё таъкиб этилаётгани ҳақидаги тугуруқсиз гапни ўтказиб олишга нечун зўр бериб уринаётганликлари сабабини бундан бошқача изоҳлаш қийин. Айрим газета-

чиларнинг гўё ўзбек тоталитар тузумининг бегуноҳ қурбони хусусидаги оҳ-воҳлари ва оғиз кўпиртиришлари ҳаёсийликка айланиб бормоқдани, бу машмаша қаршисида яқин Тожикистонда ҳам ёки босиб олинган олис Фаластинда ҳам инсон қадр-қимматига эмас, одамзотнинг ўзи ҳам ҳақиқатан топталаётганини илғаб олиш қийин бўлиб турибди. Океан нариёғидаги бирлашма фаоллари Тожикистонда бегуноҳ қурбон бўлган ўн минглаб кишилар ҳақида, ўз юртидан қувилган фаластинликлар тўғрисида, Югославиядаги «қаролар урушининг даҳшатлари тўғрисида, дафъатан қашшоқлашиб қолган миллионлаб Россия фуқаролари ҳақида асло қайғурётгани йўқ. Улар Пўлатов ва унинг шериклари

(Давоми 2-бетда).

Ўзбекистон—Россия:

ЎЗАРО КЕЛИШИБ ОЛИНДИ

ШУ йил 23 февралда Москвада Ўзбекистон Республикаси Вазирлар маҳкамаси раисининг биринчи ўринбосари И. Х. Жўрабеков билан Россия Федерацияси ҳукумати Бош вазири В. С. Черномырдин учрашуви бўлиб ўтди.

Унда Ўзбекистон Республикаси билан Россия Федерацияси ўртасидаги иқтисодий ҳамкорликнинг энг муҳим йўналишларига оид икки томонлама муносабатлар масалалари муҳокама этилди. Икки томонлама алоқаларни ўзаро фойдали ва тенгҳуқуқлилик асосида такомиллаштириш ва ривожлантириш хусусида тўла битимга келинди. Учрашув якунида бир қатор муҳим ҳукуматлараро битимлар имзоланди. Топмонлар ўзаро маҳсулот етказиб бериш соҳасида ҳам, ўзаро ҳисоб-китоб борасида ҳам бир-бирларини ҳар томонлама қўллаб-қувватлаш тўғрисида келишиб олдилар.

Мамлакатларимиз ўртасида имзоланган ҳужжатлар Ўзбекистон билан Россиянинг иқтисодий ҳамкорлиги янада ривож топишига, иккала давлат иқтисодиётининг барқарорлашувига хизмат қилади.

Учрашув дўстона ва ҳамжиҳатлик вазиятида ўтди.

ФАХРИЙЛАР ПЛЕНУМИ

Куни кеча Ўзбекистон Республикаси уруш ва меҳнат фахрийлари кенгашининг навбатдаги пленуми бўлди. Пленум ташкилий масалаларни кўриб чиқди. Қўмита раиси Р. Гуломов аризасига биноан вазифадан озод этилди.

Йиғилишда республика муҳофаа вазири Р. Аҳмедов, Ўзбекистон халқ ёзувчиси Иброҳим Раҳим, Андижон вилояти уруш ва меҳнат фахрийлари кенгашининг ютиби Т. Каримова ва бошқалар сўзга чиқдилар.

Пленумда уруш ва меҳнат фахрийси, Меҳнат Қаҳрамони Бектош Раҳимов кенгаши раиси этиб сайланди.

Пленумда Ўзбекистон Республикаси Бош вазирининг ўринбосари М. Қорабоев, Тошкент шаҳар ҳокими А. Фозилбеков ва бошқа расмий кишилар қатнашди.

● ВИЛОЯТ ҲОКИМЛИГИДА

НАВРЎЗ ЯҚИН

Кеча вилоят ҳокимлигида «Наврўз» байрамига тайёргарлик кўриш ва уни ўтказиш бўйича тузилган ташкилий қўмитанинг навбатдаги йиғилиши бўлиб ўтди.

Кўрилаётган тайёргарликнинг аҳволи ва уни янада кучайтириш билан боғлиқ бўлган масалалар муҳокама қилинди. Ташкилий қўмита ишлаб чиққан режа асосида Ангрен ҳокими муовини Т. Муталимов, Чирчиқ шаҳар ҳокими муовини Ф. Халилова, вилоят ижтимоий таъминот бошқармаси бошлиғи Н. Назиров, «Маҳалла» хайрия жамғармаси Тошкент вилоят бўлими раиси С. Воҳидов, болалар жамғармаси вилоят бўлими бошлиғи М. Солиқова, матбуот бошқармаси бошлиғи Ш. Миралимов ўроқларнинг ахборотлари эшитилди.

Йиғилишни бошқарган ви-

лоят ҳокими, ташкилий қўмита раиси С. Д. Сайдалиев муҳокамага яқин ясар экан «Наврўз» байрамини умумхалқ шодиёнеси сифатида ташкилий жиҳатдан пухта, зўр уюшқоқлик билан юқори севияда ўтказиш билан боғлиқ бўлган энг муҳим масалаларни кечиктирмай ҳал этиш, тайёргарлик кўламини янада кенгайтириш зарурлигини алоҳида уқтириб ўтди. Тегишли мутаассадди ташкилотларга аниқ вазифалар белгилаб берилди.

Ташкилий қўмита йиғилишида вилоят ҳокимининг биринчи ўринбосари А. Ибобоев, Халқ демократик партияси Тошкент вилояти Кенгашининг биринчи ютиби У. Турғунов, вилоят ҳокимининг муовинлари Х. Ҳамидов ва Б. Махситов ўроқлар иштирок этишди.

БУНДАН янги йилча муқаддам «Туркистон» («Еш Ленинчи») газетасининг ташаббуси билан ташкид этилган «Амир Темур юрган йўллар бўлаб» илмий экспедицияда иштирок этиб, буюк соҳибқироннинг ҳаёти, фаолияти билан боғлиқ қўлаб маълумотлар олишга эришдик. Шунингдек, ерлик аҳоли тилидан-тилига кўчиб, бизгача етиб келган Амир Темур ҳақидаги бир қанча афсона—ривоятларни боболар ва момолар оғзидан эзиб олишга ҳам улгурдик. Уларда тасвирланган воқеалар қанчалик рост ёки тўқима эканлигини аниқ айтиб бўлмайди. Лекин афсона ҳам, ривоят ҳам нимагадир асосланиб тўқилади. Қуйида уларнинг айримлари билан сиз аниқ муштарийларни ҳам таништиришни лозим деб топдик.

Мурод Мирзо АХМАДҚОРИ ўғли.



ТЕМУРБЕКНИНГ ТУҒИЛИШИ

МУҒУЛЛАРГА мансуб сўнгги Шаҳрисабз ҳокими бир донишманддан сўрайди: «Мен ўлсам тахтимга ким эгалик қилади?». Шунда донишманд: «Тақсир сизнинг ўринингизга ўтирадиган киши ҳозир онасининг қорнида»,— дейди. Ҳазабланган ҳоким ўз вилоятидаги ҳамма ҳомиладор аёлларни ўлдирганини буюради. Уша даврда Тарағай Баҳодир (Соҳибқироннинг падари бузрукворлари — М. М.) бу гапни эшитиб, ҳомиладор хотинини дарё тўқайзорларида (ҳозирги Қашқадарё, Чироқчи—Яккабоғ чегарасида) яшириб қайиққа солади ва унда сақлайди. Кечаси аёлнинг кўз ёриши лозим бўлиб қолади. Қараса, қирғоқнинг нариги томонидан милтираган чироқ кўринади. Тарағай қайиқни суриб, қирғоқнинг ўша томонига ўтказди. Улар бир уйга кириб қора чироқ ёқиб ўтирган кампирга дуч келдилар. Уша уйчада Темурбек туғилади. Чилласи чиққунча чақалоқни шу ерда яширишга сақлайдилар. Кейинчалик Тарағай дарё оқими бўйича ўғли ва хотинини Қарши томонга олиб келди ва 4—5 йил шунда яшайдилар. Тарағай ўғли тахминан 5—6 яшар бўлганида Шаҳрисабзга қайтади. Ҳоким тўғида иштирок этган Темур кураш, тушиб бекзодаларни йиқитди. Бундан ғазабланган Бек даврабошилари Темурни уриб оёғини шикастлайдилар. Еш Темур отаси ёрдамида қочиб қутилади. Тарағай ўғлининг жараҳатини яхши даволата олмайди, натижада Темурнинг бир оёғи яхши битмай, озроқ калта бўлиб, оқсоқланиб қолади. Тарағай ва унинг хотини ва яқин кишилари Темурнинг туғилган жойини эслашди. Бу сўзлардан кейинчалик Чироқчи танланганлиги эҳтимолдан ҳоли эмас.

II АМИР Темурнинг онаси ҳозирги Яккабоғ туманининг Мучин қишлоғида яшайдиган бир шайхнинг қизи бўлганлар. (Тарихий манбалар ва бошқа ривоятларга оналари Вухоролан — Тегина бегим Моҳ дейилди — М. М.) Амир Тарағай шу қишлоқдан уйланиб, қизни олиб кетди. Лекин Амирнинг биринчи хотини ҳам бўлиб, унинг бепуштлиги касали бўлади. Шунинг учун Амир Тарағай яна бир марта уйланишга мажбур бўлган. Негани, у кичик отам эмас, ўз уруғининг каттаси. Шундай қўлатли кишининг фарзанли бўлмаслиги ҳам унинг юрагини эзарти. Қўнлар кетидан ойлари ўтиб, иккинчи хотин ҳомиладор бўлади. Бунинг пайқаган қўнлоши уни йўқ қилиш пайига тушади. Агар бола туғилса, бутун бойлик ва меҳр ўша томонга ўтиб кетишини сезган бепушт хотин қўнларни бедор ўтказди ва ниҳоят бир фикрга келади. У ўз одамлари ёрдами билан қалбаки хат тайёрлайди. Хатда иккинчи хо-

тиннинг Мучин қишлоғида яшайдиган отаси оғир касалга чалинганлиги ёзилган эди. Хатини ўқиган замон аёл йўл тараддудини кўра бошлади. Бепушт хотин унга ўз одамларини қўшиб юборди ва йўлда ўлдириб, менга унинг қони суртилган матони кўрсатасанлар,— дейди. Қўлда бир қудуқ олдига келганда лашкарлар хомилдор аёлни ўлдириб, худодан қўриқиб, аёлни қудуққа ташлаб юбордилар. Сўнг бир кийикни ўлдириб, қонига матони суртиб, бепушт хотинга кўрса-

лади,— дейди. Бемор рози бўлгандан сўнг, табиб саволларида давом этади: «Сизнинг кундошингиз бормиди? Унга қандай муносабатда бўлгансиз, ҳуллас кундошингиз ҳақида сўзлаб беринг,— дейди. Бепушт хотин бор воқеани айтиб, сабабчиси ўзи эканлигини тан олади. Агар сирни яширса тузалмай қолишдан қўрқадди. Табиб кундошининг бу қилмишидан ранжийди ва ўй-мулоҳазалари тўғри бўлиб чиққанлигига яна бир бор ишонч ҳосил қилиб, энди эрингиз билан келасиз

ши, сўнгра катта қўшин тўплаб, ҳужум қилиши керак эди»,— дейди. Шундан сўнг, Темур Чигатой, (маҳаллий халқ тилида Чагатой) Турон, Чақар қишлоқлари орқали Тошқўрғон қишлоғида катта қўшин тўплайди. Сўнгги жангда Темур Шаҳрисабзни қўлга киритади. Темур Дархон момага одам юбориб, «Момо тилагини тиласин»,— дейди. Шунда момо: мен турган жойга сув керак, сув бўлмагани учун қийинчиликлар кўп,— дейди. Темур Қизилдарёдан Чигатой қишлоғи орқали Дархон ариғини қазитиб беради. (Ҳозирги кунда Дархон ариқдан 14 та қишлоқ сув ичади) Темур момони ҳамма олиқ-солиқлардан озод этади.

2 АМИР Темур навбатдаги жанглар олдидан Дархон момага чопарлар орқали хат бериб юборди. (Айрим ҳолларда Бибиҳонимга дейилади). Чопарлар келиб момага хатни бери-

қанча маблағ кетса ҳам бу ишни тўхтатишга розилик бермайди. Бунда улар Амир Темурнинг ҳиммати ва хазиналарига таянадилар. Сўнг масжид қурилиши бошланиб, гўзал малика ишни тезлаштириши бош меъмордан сўраб туради. Бош меъмор эса бу вақтга келиб, маликанинг ошиғи бўлиб қолган эди ва шунинг учун масжиднинг тезликда қуриб битказилиши уни Бибиҳоним дийдорини кўришдан маҳрум қиларди. Бибиҳонимнинг сабрсизлигини кўрган меъмор агар бир бўса берса, ишни тезроқ, амалга ошириш мумкинлигини ҳам айтган. Улуғ саркарданнинг Самарқандга келиб қолганлигидан хабар топган малика, ушбу шартга чор-ночор ризо бўлади. Меъмор маликадан ўпич олиш учун унинг юзига яқинлашганида, малика юзини қўли билан тўсади ва бўса унинг кафтига тўғри келиб, аммо ҳарорати юзига ўтиб, қизил доғ қолдиради. Етиб келган Темур маликанинг хадясида хурсанд бўлиб турганида кўзи унинг юзидаги бўса доғига тушади ва бу ишнинг гуноҳкори бош меъмор эканлигини билиб, уни тезда тутиб келишни буюради. Лекин, меъморни ҳеч қаердан топа олишмаган. У миноранинг тепасига чиқиб, ўзи ясаган қанотлар ёрдамида Эронга учиб кетган эмиш.

АМИР ТЕМУР ВА ИШРАТХОНА

АМИР Темур хотинларидан бирига атаб улкан ёдгорлик қурдилади. Сўнг, уни томоша қилгани келган жаҳонгир обиданинг муҳташамлигидан ҳайратланиб, маҳбубасига «бу шод-хуррамлик уйи — Ишратхона бўлиши керак»,— деган экан. Бошқа бир ривоятда Ишратхонани Бибиҳоним қурдирган деган фикр мавжуд. Уни Ашратхона ҳам дейишади.

АМИР ТЕМУР ВА БОҒИМОЗОРСОЙ

АМИР Темур сафардан қайтаётган сойликка етгач, тўхтатишни буюрибди (бу сойликни ҳозирда Боғимозорсой деб атаб келадилар). Чунки, жангларда қаҳрамонлик кўрсатган бир лашкарбошиси шу ерга етганда жонидан узилган экан. Лашкарбошини шу ернинг ўзида дафн қилдирибди. Бу йўқотиш Амир Темурни оғир изтиробга солибди. У мотам тутган ва шу ерда мақбара қуришга фармон берган. Бинонинг ҳар бир гишти Самарқанддан қўлма-қўл ташиб келтирилиб, мақбара атрофи боғга айлантирилибди.

АМИР ТЕМУР ВА БИБИХОНИМ

БИБИХОНИМ Амир Темурни навбатдаги ҳарбий юришга қузатиб қўйиб, саркарда қайтиб келишига пойтахт Самарқандда мисли кўрилмаган даражада гўзал ва салобатли масжид қурдиришни режалаштирган. Бунинг учун Бибиҳоним саройда ўша даврнинг энг машҳур меъморларини чақириб, маслаҳатлашиб олади. Маслаҳатлашувда давлатнинг жуда катта маблағи сарфланиши ҳам уқтириб ўтилади. Аммо Бибиҳоним



тадилар. Туғмас хотиннинг кўнгли жойига тушади. Амир Тарағайга эса хотинини дом-дараксиз йўқолган,— деб айтишади.

Ҳомиладор аёлга келсак, қудуқда бир неча кун ётгач, фарзанд кўради. Шу орада унинг йўқолганини эшитган акаси йўлга чиқади ва у ҳам чарчаб шу қудуқ (чашма) олдига тўхтаб дам олади. Қараса ёш гўдакнинг йиғи овози эшитилади. Аввалига ишонмай туриб, қўлоқ солса яна шу ҳол такрорланади. Акаси қудуқ тепасига борса, ҳақиқатан ҳам бола йиғламоқда эди. Уларни қутқариб олган ака, қараса, ўз синглиси экан. «Энди эрингни олдига юбормаймиз, барибир у ерда сенга кундошинг кун бермайди, яхшиси уйга юр»,— деб синглисини олиб кетади.

Орадан кўнлар, йиллар ўта бошлади. Еш болалик аёл 40 кун чиллада ўтириб, табибликни ўрганиб, турли касалларни тузата бошлади. Унинг моҳир табиблиги овозаси анча жойларга ҳам етиб боради. Бепушт хотин эса бу орада мохов касалига чалиниб қолади. Мучинда бир табиб чиққан эмиш, ҳамма касалларни тузатар эмиш, деган гап тарқалади ва уни ҳам шу табибга кўрсатишга қарор қиладилар. Бепушт хотин даво истаб боради. Табибнинг юзида чиммати бўлиб, бемор уни танимайди. Табиб эса дарҳол уни таниб қолади. Улар ўртасида мулоқот бошланади. Табиб бошидан ўтган «кундош воқеаси»ни яна бир бор ким томонидан уюштирилганлигига ишонч ҳосил қилиш учун унга саволлар бера бошлади: «Сизнинг касалингиз ниҳоятда оғир, менинг бир-иккита саволларим бор, сиз ҳулонинг юзига қараб жавоб беришингиз шарт, агар нотўғри жавоб берсангиз касалингиз яна ҳам оғир бў-

ва бўлган воқеаларни унинг олдига очиб айтиб берасиз,— дейди. Шунда бепушт хотин йўқ демоқчи бўлади, лекин тузалиш учун бирдан-бир йўл шу бўлганидан чор-ночор рози бўлади. Сўнг у эри билан бирга келиб, уччаласи ўтиргандан сўнг бўлган воқеани айтиб беради. Суҳбат тугагач табиб юздан чимматини олиб, ўша жабр кўрган аёл мен бўламан дейди. Шунда Амир Тарағайнинг нафрати қўзиб, бепушт хотинни ўлдирди. Сўнг табибни ўз юртига олиб кетиб, ёш Темур тарбияси билан шахсан ўзи шуғулланади.

ДАРХОН МОМО — АМИР ТЕМУРНИНГ УСТОЗИ

1 АМИР Темур Ҳисор тоғлари, Тошқўрғон қишлоғи атрофида қўшин тўплаб, ўз йигитлари билан бир неча бор Шаҳрисабзни қўлга киритиш учун ҳужум қилди. Лекин мағлубиятга учрайди. Амир Темур навбатдаги жанглардан сўнг тахминан ҳозирги Дархон қишлоғи («Шарқ юлдузи» жамоа хўжалиги)да бир момага дуч келади. Темур: «Момо, қорним оч, бирон нарса қилиб беринг»,— дейди. Момо атала қилиб беради, олдига зоғора нон қўяди. Нонни еганда мазаси оғзидан кетмайди, очликдан иссиқ аталани бирдангина хўплайди. Иссиқ аталадан Темурнинг оғзи куйиб, осмонга қараб ётиб қолади. Шунда момо: «Ҳой боламе, бу ишинг худди Темурни жангидай бўлди-я»,— дейди. Узини танитмай Темур момодан сўрайди: «Темур нима иш қилиши керак эди?»,— дейди. Момо: «Темур аввал кичкина қишлоқларни (тепаликларни) оли-

АХИЛЛИКДА ГАП КЎП

ОЛМАЛИҚ шаҳри ҳокимияти тўй ва маъракалари ўтказиш ҳамда уларни тартибга солиш тўғрисида низом қабул қилган эди. Бунга қўшимча равишда вилоят бўйича илк бор «Энг аҳил маҳалла» кўрик танлови ҳам ўтказилмоқда. Ҳалиб ўч маҳалла эса йил охирида аниқланади.

Шаҳардаги «Чамбил» маҳалласида мингга яқин аҳоли истиқомат қилади. Утган йил маҳалла оқсоқоллари маслаҳатлашиб, ҳашар йўли билан чойхона қуришни бошлаб юборган эдилар. Қуни кеча эса бежирим чойхона қурилиши битказилиб, маҳалла чойхўрларига топширилди. Мазкур чойхона қошида тиббий пункт, ёшлар хонаси, маҳалла комитети идораси ва новасойхона ишлаб турибди.

Суратларда: «Чамбил» чойхонасининг умумий кўрилиши; кексалик гаштини суратлаган Барай ота Ҳозиевга янги чойхона маъқул бўлди.

А. ЗУФАРОВ суратга олган. [УзА].



МУҲАРРИРИЯТГА ХАТ.

МИННАТДОРЧИЛИК БИЛДИРАМИЗ

ҲУРМАТЛИ таҳририят! Биз, Уртачирчиқ районидagi «Қумариқ» — «Роватак» маҳаллаларида яшовчи бир гуруҳ Улуғ Ватай уруши қатнашчилари ҳамда меҳнат фахрийлари шуни маълум қилмаизки, «Бурғалик — Стадион» йўналиши бўйича юрадиган, кишилар узоғини яқин қиладиган, айниқса кекса йўловчилар учун қулайлик туғдирадиган автобус қатновини «Сада» гача узайтиришни сўраб, Тўйтепа автокорхонасига ёзма равишда баён қилган эдик. Бироқ бу масала негадир очик қолганди. Сўнгра шу масала юзасидан вилоят пассажирлар ташиш концерни бошқарувчиси С. Раҳматуллаевга хат йўллагандик. Ушбу масала ижобий ҳал этилиб, эндиликда «Бурғалик—Сада» йўналиши бўйича автобус қатнаб, йўловчиларнинг жонига оро кирмоқда. Айниқса, бундан биз фахрийларнинг бошимиз осмонга етди.

Ҳурматли муҳарририят! Кўпчилик талабини инobatга олиб, уни дарҳол ҳал этиб берган С. Раҳматуллаевга газета орқали бизнинг миннатдорчилигимизни етказсангиз. Одамларга нафи тегадиган ана шундай кaмaрбаста раҳбарлар бор бўлсин, умридан барака топишсин!

Ш. БЕГМАТОВ, Б. РИХСИЕВ, А. АШИРОВ, С. ҚУШАТОВ, М. ПУЛАТОВ, Т. ШЕРАЛИЕВ, М. ЖАМОЛОВ, М. ШАРИПБОВ, С. ЖАМОЛИДДИИОВ.

уруш ва меҳнат фахрийлари.

дaм замонлардан етиб келган беназир тўхфа украин олимларини, қолаверса, бошқа мамлакат табиатшуносларини ҳам қизиқтириб қўйди.

ҚОРАМОЛЛАРИИ СИЙЛАМАГАН БЎРОН

атшунослик музейи мутахассислари шундай хулосага келишди. Ҳозир антика топилма Львов табиат тарихи томоша боғида сақланмоқда. Уни келгуси авлодларга сақлаб қолиш учун эса тупроқдан тозалаб, махсус дорилаш керак бўлади. Қа-

Сийхуа ахборот агентлигининг хабар қилишича, Хитойнинг шимоли-ғарбидagi Цинхай вилоятида узоқ вақт давом этган бўронлар 227 минг бош қорамолнинг ўлишига сабаб бўлди. Бир ярим мингга яқин одам музлаб қолган ёки талафот кўрган, деб тахмин этилмоқда.

Вилоятда январь ойидан бери қаттиқ қор ёғиши кучли шамол билан қоришиб кетди. Аҳолиси аксарият тибетликлардан иборат бўлган Хуаннань мухтор округи, айниқса, катта зарар кўрган.

[УзА].

ЭЪЛОН

Ўзбекистон Маданият ишлари вазирлиги
М. ҚОРИЕҚУБОВ НОМИДАГИ ЎЗБЕК
ДАВЛАТ ФИЛАРМОНИЯСИ

ХАЛҚЛАР ДУСТЛИГИ САРОЙИДА

27 февраль соат 18.00 да

Ўзбекистон ва Туркменистон халқ артисти

Бобомурод ҲАМДАМОВ

КОНЦЕРТИ

Концертда рақосалар Муяссар ПИРМЕТОВА, Элмира НОРБОЕВА қатнашадилар.

Концерт дастурини Уткир СИДДИҚОВ олиб боради.

Чипталар Халқлар дўстлиги саройида соат 11.00 дан бошлаб сотилмоқда. Жамоа бўлиб келиш учун буюртмалар қабул қилинади.

Ҳар тўғрида

САЛМОН ФОРСИЙ ПАЙГАМБАРНИНГ ДЎСТИ ЭДИ. САЛМОН РУШДИЙ-ЧИ?

БУЮК Британия Бош вазири Жон Мейжор Эрон ислом жумҳурияти раҳнамоси марҳум Оятулло Ҳумайний фатвосига кўра ўлим жазосига маҳкум этилган, дунёга машҳур «Шайтон оятлари» китобининг муаллифи Салмон Рушдий билан учрашувга «розилик» берганини маълум қилди. Ҳукумат вакиллари-нинг шаходатларига асосланган Би-би-си телекўрсатуви ўтган чоршанба кuni шу ҳақда хабар тарқатди.

Би-би-си бошловчисининг Оятулло Ҳумайний фатво-айтишига қараганда, тўрт йилдан бери яшириниб юрган ёзувчи телевидение орқали Бош вазирга мурожаат қилиб, у билан учрашишга ва учрашув воситасида ақида-парастларнинг таҳдидидан халос бўлишга интилаётганини билдирган эди. Ёзувчининг гапларига кўра, Бош вазир билан ёнма-ён ўтиришдан самаралироқ бирор восита йўқ. Бинобарин Бош вазир «Биз ўз фуқаромизни муҳофаза қиламиз», деса-чи, қойилмақом бир иш бўлар эмиш.

Оятулло Ҳумайний фатво-идирки, исломнинг муқаддас рухларини ҳақорат қилгани учун ўлимга маҳкум этилган Салмон Рушдийни 24 соат давомида полиция соқчилари кўриқлаб турибди. Маълумки, Салмон Рушдий ва унинг асари, сўз эркинлиги масаласи теварагида айланаётган машмаша Буюк Британия билан Эроннинг муносабатларига совуқлик аралашини сабаб бўлган эди.

«ЎЛСАМ ҲАМ ЯРАШМАЙМАН»

РЕЙТЕР ахборот агентлиги мухбирининг Қуддусдан хабар қилишига қараганда, 80 ёшли Яҳё Авраам деган зот яҳудий 64 яшар завжаси билан ажрашишдан бўйин товлагани учун 1963 йилдан бери қамоқхонада ётибди. «Розиман» деган бир оғиз сўз айтса, равиллар суди уни озодликка чиқариб юборган бўлар эди.

«Единот ахронот» рўзно-масининг аниқлик киритишига кўра, Яҳё Авраам қизига «Гўрга борганимдан кейингина ажримга розилик беришим мумкин», деб айтган эмиш.

УКРАИНЛАРДАН ҲАМ ҚАДИМИЙ ДАРАХТ

УКРИНФОРМ ахборот қур қазибган ишчилар 15 миллион йил ётиб, тошга айланиб қолган дарахтни топиб олишди. Украина фанлар академиясининг Львов таби-

Исмоил ЮСУПОВ



Шафқатсиз ўлим камтар дўстимиз, таниқли ҳуқуқшунос ва олим Исмоил Юсуповни 64 ёшида орамиздан олиб кетди.

И. Юсупов 1953 йилда Тошкент юридик олийгоҳини битириб, ўз иш фаолиятини Наманган вилоятида терговчиликдан бошлади. Сўнг Олмалик шаҳри прокурорининг ёрдамчиси этиб тайинланди. 1956—1959 йилларда аввал Тошкент вилояти, кейин республика тергов бўлимларида прокурорлик қилди.

1959—1963 йилларда Ўзбекистон Фанлар академияси фалсафа ва ҳуқуқ олийгоҳи аспирантурасида ўқиди ҳамда диссертация ёқлаб, юридик фанлар номзоди бўлди. Беш йил шу олийгоҳда илмий ходимлик қилди.

1968 йилдан 1985 йилгача навбат билан Олмалик шаҳри, Охангарон райони ва Бекобод шаҳри прокурори бўлиб фаолият кўрсатди. 1985 йилдан то пенсияга чиққунча Бўка район прокурорининг ёрдамчиси бўлиб ишлади.

И. Юсупов ҳамма жойда ўзининг ҳалоллиги, ишга садоқати, дўстларига меҳрибонлиги билан ажралиб турарди.

Қадрдон ўртоғимиз — Исмоил Юсуповнинг порлоқ хотираси қалбимизда ҳамisha сақланади.

БИР ГУРУҲ ДУСТЛАРИ.

ДИҚҚАТ, ЯНГИЛИКИ

БЎСТОНЛИҚ
ЖУРНАЛИСТЛАРИГА
ИМТНЁЗ

Бўстонлиқ райони ҳокимиятининг чиқарган қарорига биноан эндиликда журналистлар район ҳудудида қатновчи жамоат транспортидан бепул фойдаланиш ҳуқуқига эга бўлдилар.

Қалам аҳлига кўрсатилаган журналистларни ижтимоий ҳимоя қилиш борасидаги бу хайрли ташаббус вилоятимизнинг бошқа районларида ҳам оммалаштирса арзигуликдир.

Муҳаррир
Н. НАСИМОВ.

Тошкент ҳақиқати

МУАССИСЛАР: ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИ ВА «ТОШКЕНТ ҲАҚИҚАТИ» ЖУРНАЛИСТЛАР ЖАМОАСИ.